

卷五

85080

金匱翼

金匱翼卷五目錄

頭痛統論

風頭痛

熱厥頭痛

溼熱頭痛

寒溼頭痛

痰厥頭痛

腎虛頭痛

肝厥頭痛

食積頭痛

血虛頭痛

氣虛頭痛

偏頭痛

雷頭風

大頭痛

項背痛

臂痛

眩暈

風虛眩暈

肝厥頭暈

下虛眩暈

熱風頭眩

耳痛統論

風聾

厥聾

腎虛耳聾

膿耳聾耳

鼻淵鼻塞

舌脹舌出

口瘡

齒痛

咽喉

客熱咽痛

客寒咽痛

咽痛失音

咽喉妨悶

喉痺諸法

金匱翼卷五

飼鶴山人尤在醫書重纂

長洲後學徐錦炳南氏讀

頭痛統論

頭象天。六腑清陽之氣。五藏精華之血。皆會於此。然天氣所發。六淫之邪。人氣所變。五賊之逆。皆能相害。或蔽覆其清明。或淤塞其經絡。因與真氣相薄而爲痛也。因風而痛者。抽掣惡風。有汗而痛。因暑熱而痛者。或有汗。或無汗。則皆惡熱而痛。因濕而痛者。痛而

頭重。遇天陰尤甚。因痰飲而痛者。亦頭昏重而痛。憤憤欲吐。因寒而痛者。惡寒而脉絀急。氣虛而痛者。遇勞則痛甚。其脉大。血虛而痛者。善驚惕。其脉芤。

東垣治頭痛。大率皆以酒芩。酒連。酒柏。加風劑。如清空膏。安神散。清上瀉火湯之類。但雜用羌防升柴藁蔓等藥。殊欠紀律。學者師其意可也。元珠茶調散簡要可用。

治頭風久痛。須加芎歸紅花少許。非獨治風兼和血止痛也。細茶最能清上風熱。久痛以之作引。彌佳。東

垣謙甫皆常用之。

許學士荆芥散獨用荆芥治風煨石羔治熱何等簡要東垣清空膏諸方蓋師其意而擴充之。

風痰頭痛多兼嘔逆眩暈若用風藥其痰愈逆其痛益甚和劑玉壺丸乃是藥東垣變爲白朮半夏天麻湯則兼氣虛而言之耳。

腎厥頭痛肝厥頭暈本事方論之最詳。

玉真丸硫黃半夏溫降之力彌大石羔硝石寒下之能甚長去陰氣上逆其來最暴治以純陽必多格拒。

故須羔硝爲之佐使令其相入而不覺其相傾耳。黑錫丹亦見此意。

茸珠丹有二方。一用硃砂鹿茸二味爲丸。蓋亦補虛墜浮之意。一用硃砂同草烏硃砂爲末作丸。此不特硃砂散瞿麥黃藥之苦降並已成灰吹去不用。而顧需其經火有毒。卽草烏之辛相濟。詎可得耶。

搐鼻諸方。本事獨用辛溫。東垣河間並用辛涼。夫久畜之風多化爲熱。而閉鬱之氣非溫不通。隨病斟酌。

從少從多。則賢者之責也。

頭風餅子。有用五味子全。蝎土狗各七個。醋和作餅者。用南星川芎等分。同蓮鬚葱白搗爛作餅者。有用草麻子乳香者。有用大黃芩硝同井底泥搗貼者。然外治之藥。無論邪之寒熱。並宜辛溫開達。徒用苦寒鬱閉。益甚。苟非熱極。不可輕用。

頭痛之因。非止一端。有風有寒。有濕有熱。有兼氣兼氣者。如火與濕合。內經所謂少陽司天之政。二之氣其熱鬱於上。頭痛嘔吐昏憤是也。有火勝水復者。內

經所云。歲金不及。炎火迺行。復則陰厥。且格陽反上。行。頭腦戶痛。延及腦頂。發熱是也。有胃實者。經所謂頭痛耳鳴。九竅不利。腸胃之所生是也。有腎厥者。經所謂頭痛巔疾。下虛上實。過在足少陰。巨陽甚則入腎是也。有心熱者。經所謂心煩頭痛。病在膈中。過在手巨陽。少陰是也。有痰飲者。其病在脾。東垣所謂太陰痰厥。頭痛眼黑。嘔吐悶亂。亦濕勝也。有內風者。風從火化。其病在肝。不特厥陰之脉與督脉上會于巔。蓋卽肝藏沖逆之氣。亦能上至巔頂也。又有真氣不

守厥而上行。天門真痛。上引泥丸。名真頭痛。多不可治。古方云。與黑錫丹。灸百會穴。猛進參附烏沉。或有可生。然天柱折者。亦難爲力矣。

風頭痛

風頭痛者。風氣客于諸陽。諸陽之脉。皆上于頭。風氣隨經上入。或偏或正。或入腦中。稽而不行。與真氣相擊。則痛。經云。風氣循風府而上。則爲腦風。是也。其挾寒挾熱。則隨症審而治之。

經驗治頭痛。風熱痛不可忍者方。

元珠名茶調散。

小川芎 一兩 香白芷 五錢 細芽茶 三錢

片黃芩 二兩酒拌炒再拌再炒
如是三次不可令焦

荊芥穗 四錢 薄荷葉 三錢

右細末。每服二三錢茶清調下。一方有菊花

防風僵蠶。

石羔散

石羔 二兩炭火燒研細末 川芎 一兩 炙甘草 半兩

右爲末。每服一錢。葱白好茶同煎湯調下。食後

日一服。

一方決明子作枕去頭風明目佳

本事白附散 治風寒客于頭中疼痛牽引兩目

遂至失明。

白附子 一兩

麻黃

川烏

南星

各半兩

全蠍

五个

乾薑

硃砂

麝香

各二錢半

右爲細末酒調一匙服客睡少時效

三五七散

治風寒入腦頭痛惡寒目眩。

防風

二兩

茱萸

炮薑

茯苓

各一兩五錢

細辛

炮附子

各七錢五分

右爲細末。每服二錢。溫酒調下。局方

芎辛湯 治風寒溼在腦頭痛眩暈嘔吐。

川芎 三錢

細辛

白朮

各一錢半

甘草

一錢

右剉作一貼。入生薑五片。芽茶少許。水煎服。
濟生

東垣云。高巔之上。惟風可到。故味之薄者。自地升天者也。所以頭痛皆用風藥治之。然患痛人。血必不活。而風藥最能燥血。故有愈治而愈甚者。此其要尤在養血不可不審也。

熱厥頭痛

熱厥頭痛者。胃熱氣盛。不能下行也。其證頭中熱痛。雖嚴寒。猶喜風寒。微來煖處。或見煙火。則痛復作。其脈數。或大者是也。

小清空膏

片芩細切。酒拌勻。晒乾。爲末。茶清調下。

治熱厥頭痛方

大黃酒炒三次爲末。茶清調服。

熱氣在頭。以風藥引之。則熱彌盛而痛益甚。大黃

苦寒瀉熱得酒則能上行瀉腦熱。昔人所謂烏巢高巔射而去之是也。性清上。故諸頭痛藥中多加用之。

新定

生地

三錢

知母

酒炒

黃芩

酒炒各

一錢

薄荷

黑山梔

甘菊

甘草

荆芥

各五分

紅花

三分

右作一服。水煎食遠服。

便閉加酒炒大黃一錢。

五分。

此方治頭痛煩

熱。喜見風寒。稍近煙火。則

痛復作。或便閉不通者。往往取效。古法動作。

輒頭重痛。熱氣潮者屬胃。丹溪云。頭痛如破。

酒炒大黃半兩。茶清煎服。

溼熱頭痛

溼熱頭痛者。溼與熱合。交蒸互鬱。其氣上行。與清陽之氣相搏。則作痛也。東垣云。諸溼熱頭痛。清空膏主之。又云。溼熱在頭而頭痛者。必用苦吐之。或用搐鼻藥。

清空膏 療風溼熱頭痛。上壅損目。及腦痛年深。

不止

羌活

防風

各一兩

柴胡

七錢

川芎

五錢

炙草

一兩半

黃連

一兩炒

黃芩

三兩一半炒製一半酒

右爲細末每服二錢入茶少許湯調如膏抹在

口內少用白湯送下臨臥

搐鼻散

青黛

石羔

芒硝

鬱金

薄荷

牙皂

右爲末搐鼻

東垣白芷散有白芷無牙皂青